

Mid-Day Dogri News Bulletin, 29th April 2025

समे — 12:25

<><><><><><>

PM-YUGM

प्रधानमंत्री नरेन्द्र मोदी होरें अज्ज नमीं दिल्ली दे भारत मंडपम च “युग्म” सम्मेलन च शिरकत करदे होइ नवाचार गी बढ़ावा देने दे नमें भारत दे धेइयै गी पक्का कीता ते आखेआ जे भारत च नमिएं काह्डें गी बढ़ावा देने कन्नै इत्थें इक नमां इनोवेशन कल्चर विकसित होई गेदा ऐ। हर कोई अपनी थवीक ते दिलचस्पी मूजब नित नमीं काह्ड कडिडयै कीर्तिमान स्थापत करै करदा ऐ। उनें आखेआ जे विज्ञान ते नवाचार गी सेवा दा इक अहम जरिया मन्नदे होई राष्ट्रीय शिक्षा नीति च बी अनुसंधान गी नवाचार गी तरजीह दित्ती गई ऐ। उनें आखेआ जे नवाचार दे क्षेत्र च दुनिया दे बड्डे बड्डे संस्थान बी अज्ज भारत आली बक्खी दिक्खा करदे न। उनें मेद प्रगट कीती जे एह सम्मेलन भारत दी नवाचार यात्रा च इक महत्वपूर्ण भूमिका निभाग।

<><><><><><>

LoC Firing

जम्मू कश्मीर दे कुपवाड़ा ते बारामुला जिले ते जम्मू जिले दे अखनूर सेक्टर च बी पाकिस्तानी फौज नै बन्ने पारा बिजन उक्सावे दे गोलीबारी कीती ऐ। रक्षा प्रवक्ता नै जानकारी दित्ती ऐ जे 28 ते 29 अप्रैल दी मझाटली रातीं कीती गेदी, पाकिस्तानी फौज दी इस हरकत दा भारतीय फौज नै पूरी तगड़ेयाई कन्नै शैल बनकाइयै परता दित्ता। उनें दस्सेआ जे पूरी नियंत्रण रेखा पर फौज नै हालात पर नेइमी तक्क रखी दी ऐ ते बन्ने कन्नै लगदे संवेदनशील इलाकें च कुसै बी चाल्ली दे खतरे कन्नै निबड़ने लेई पूरी चाल्ली तैआर ऐ। उनें दस्सेआ जे जंदी रातीं आलिएं कारवाइएं च कुसै दे मारे जाने जां घायल होने दी जानकारी नेई ऐ।

<><><><><><>

School Mock Drill

पहलगाम आतंकी हमले मगरा बधदे तनाह दे चलदे पुंछ जिले च नियंत्रण रेखा दे कोल कश दे स्कूलें च बचाह आले हीलें शुरू कीते गे। अधिकारिण कुसै बी चाल्ली दे हालात बनने पर किश चाल्ली एहतियाती बरताव करना ऐ दे बारे च उत्थूं दे विद्यार्थिण ते अमले गी अभ्यास करोआया। एहदे अलावा बंकरें दी साफ सफाई ते मरम्मत दी प्रक्रिया बी कीती जा'रदी ऐ। प्रशासन नै हालात पर नेड़मी तक्क रखदे होई उत्थुं दे बसनीकिण ते शिक्षा संस्थानें गी सौहगा सर्तक रौहने आस्तै ते सुरक्षा नियम दी पालमा करने लेई आखेआ।

<><><><><><>

Doda Raids

आतंकी ढांचे ते आतंकवादिण दे मददगारें खलाफ सख्त कारवाई करदे होई जम्मू कश्मीर पुलस डोडा जिले च पाकिस्तान आधारित 13 आतंकवादिण दे घरें पर छापे मारे न। साढ़े संवाददाता नै जानकारी दित्ती ऐ जे इस चाल्ली दियां कारवाइयां ते छापेमारी पहलगाम आतंकी हमले दे बाद तेज करी दित्तियां गेदियां जिंदा मकसद मकामी लोकें आस्सेआ बन्ने पारा आतंकवादी कारवाइण च कुसै बी चाल्ली दे सैहयोग दी गुंजेश गी खत्म करना ऐ तां जे बन्ने पारा कुसै बी चाल्ली दी साजश गी रोकेआ जाई सकै। उआं अजें तोड़ी इस सरबंधै च कुसै दी गिरफ्तारी नेई होई ऐ।

<><><><><><>

Parshuram Jayanti-LG

उपराज्यपाल मनोज सिन्हा होरें अज्ज परशुराम जयंति ते अक्षय तृतिय दे मौके पर सब्बने गी बधाई ते शुभकामनां दित्तियां न ते सब्बनें दी सलामती, तरक्की ते खुशहाली दी कामना कीती ऐ। इस मौके जम्मू रु बी केई कार्यक्रमें दा आयोजन कीता गेदा ऐ। जम्मू दे पराने शैहरा च अज्ज इस मौके प्रभात फेरियां कड़िडियां गेइयां जेहदे मगरा इक शानदार शोभा यात्रा बी शैहरा दे बक्ख-बक्ख हिस्सें चा होइयै लंघी। ब्राह्मण सीा आस्सेआ बी अज्ज विशेष हवनज ग ते पूजा अर्चना दा सरिस्ता कीता गेदा ऐ। जेहदे मगरा लंगर ते भंडारे दी बी बवस्था कीती गेदी ऐ।

<><><><><><>

Weather

मौसम विभाग नै जम्मू कश्मीर च ओं दे किश दिनें तगर मौसम खुशक बने दा रौहने ते मदानी इलाके च केई थाहरें लूह चलने दी शेंका जताई ऐ। पैहली मई तगर मौसम भलेया खुशक ते 1 ते 5 मई गी किश थाहरें पर हल्की बरखा बरने दे आयार न। लोके गी सलाह दित्ती जंदा ऐ जे ओह धुपै च बाहर नेई निकलन, खुल्ला पानी पीन, हल्के सूती कपड़े पान ते जरूरी एहतियात बरतन। तोआई श्रीनगर राष्ट्रीय जरनैली शिड़के पर गडिडएं दी आओजाई ब्हाल होई चुकी दी ऐ। अज्ज एनएच-44 जरनैली शिड़क पर गडिडएं दी दऊं तरफा आओजाई जारी ऐ। जिसलै जे भारी गडिडएं, लोड करियरें गी शिड़क दी स्थिति दिक्खी लैने दे बाद नवयुग सुरंग दे रस्तेया जम्मू आली बक्खी भेजेआ जाग।

<><><><><><>

Handicraft-Awards

कपड़ा मंत्रालय दे दस्तकारिएं सरबंधी विभाग दे विकास कमिशनर हुं दे दफतरै बड़ी मती प्रतिष्ठा आहले राष्ट्री दस्तकारी अवार्ड 2024 लेई आवेदन मंगे न। 30एं ब'रें तगर दी उम्री दे कारीगर ते घटोघट्ट 10एं ब'रें दे तजुर्बे आहले एहदे शा मती उम्री दे कारीगर बी इस राष्ट्री अवार्ड लेई आवेदन करी सकदे न। इस्सै चालली 20एं ब'रें तगर दे तजुर्बे आहले ओकड़े कारीगर जि'दी उम्र 50एं ब'रें शा मती ऐ, ओह शिल्प गुरु अवार्ड लेई आवेदन करी सक³न। मंत्रालय आसेआ कुल 25 पुरस्कार भेंट कीते जा³न जि'दे चा 6 शिल्प गुरु अवार्ड ते 19 राष्ट्री अवार्ड हो³न। आवेदन जमा करोआने दी खीरी तरीक 12 मई ऐ। इच्छुक कारीगर, एहदे लेई अखनूर रोड जम्मू च स्थित हैंडीक्राफ्ट सर्विस सेंटर कन्नै राबता करी सकदे न जां फही वैबसाईट www-handicrafts-gov-in पर जाइयै मती जानकारी लेई सकदे न। योग्यता मानदंड, दिशा निर्देश ते होर दुए ब्यौरे इस वैबसाईट उपपर उपलब्ध न।

<><><><><><>